

## Statamente go tšwa go Chapter ya Daosese ya St. Mark the Evangelist

Re le Chapter ya Daosese ya St. Mark the Evangelist, re bile le kopano ka letšatši mokete wa Patrick, yoo e be e le moBishop le Moruti wa Ireland ka ngwaga wa 461. Letšatšikgwedi e la di 17 tša Matšhe 2020. Re kopane go ahlaahla phetolo ya rena ka leuba la twatši ya COVID-19 le polelo yeo e filwego ke mopresidente wa Afrika-Borwa Mohlomphegi Cyril Ramaphosa, ka LaMorena la di 15 tša Matšhe gotee le lenaneo la maele leo le ntšhitšwego lehono ka la di 17 tša Matšhe ke Thabo Makgoba moArchbishopo wa rena.

Ge re be re boledišana ka seemo se re le Chapter, re be re le mogopolomotee ebile re šeditše gore seemo seo se lego mo pele ga rena se boima gomme se hloka mekgwa ye e tiilego gore e phethagatšwe. Re kwane gore maphelo le mathabo a batho ba rena a bohlokwa le gore diphetho tšohle le ditaello di kwantšwe go hola batho ba rena.

Tše di latelago, di kwantšwe go ya ka lenaneo-keletšo leo le ntšhitšwego ke moArchbishop Thabo

Diphetho le dikeletšo tše di latelago ke tše di kanetšwego: Ke kgopela gore le boledišane le ketapele ya pheriši tša lena ka tšona, gomme le kwane gore le tla diphethagatša bjang:

### **1. Dikopano ka moka tšeo e se go tša tšhoganetšo di tla šutišwa. Seo se akaretša:**

a. DSC yeo e be go e beakanyeditšwe go ba gona bofelong bja kgwedi ya Matšhe e tla šutišwa go fihlela go tsebišwa gore e tla swarwa neng.

b. Dikopano tša Archdeaconry ya kgwedi ya Mei e phumotšwe. Mabapi le kopano ya Agostose , le tla tsebišwa ge nako e le gare e sepela.

c. Lekgotla la diArchdeacon le Diocesan Lekgotla tša Mei di phumotšwe.

d. Ge tirelo ya lena ya LaMorena e ba le batho ba go feta 100, re kgopela gore le hlagiše koketšo ya ditirelo yeo batho bao ba lego moo ba se ke ba feta 100, gotee le šomiše ditirelo tša gare ga beke.

e. Chapter e ganana le ditirelo tša mohlakanelwa.

f. Go dumeletšwe go ka emiša ditirelo tša Yukariste gomme go šomišwe Thapelo ya Bosasa.

g. Dikopano tše dingwe tša Daosese, Pheriši le tša mekgahlo gotee le dikopano tša baswa di emišwe . Fela ke khuduthamaga fela yeo e ka kopana ka kwano ya gore palo ya maloko ao ke ye nnyane. Se se akaretša go emišwa ga dikopano tša baswa le tša Pheriši. Re le eletša gore le ka šomiša theknolotši go re le kgokagane.

h. Clergy School (4-7 May) e tla šutišwa go fihlela go tsebišwa gore e tla swarwa neng.

i. Re kgopela gore le emiše ka dithapelo tša dikemelo.

## **2. Re kwane go le eletša mabapi le ditirelo tša kereke gore:**

(Re tla tšea maele a mangwe go tšwa go moArchbishop morago ga ge a phatlaladitše dikeletšo tše dingwe.)

a. Ditirelo tša ditiišetšo di šutišitšwe go fihlela morago ga Paseka, morago ga moo re tla lekodišiša seemo. Lebaka ke gore ditirelong tša ditiišetšo palo ya batho bao ba tlogo tirelong e dula e feta 100, yeo e latelago ke go keteka ka mehuthuta.

b. Chapter e kwane gore moBishop a se ke a etela le go rera dipherišing ka gobane palo e tloga e hlatloga mo tirelong yeo go tšwa go diphuthego mabapi tšeo di tlilego go bona moBishopo. Ka fao re emiša dithuto tša ditiišetšo.

c. Go ka ba le dikolobetšo tša tšhoganetšo. Go se be le dikolobetšo tša go kopanelwa go fihlela morago ga Paseka. Ge o ka ba le dikolobetšo, batswadi ba ngwana ke bona ba tlišago ngwana gore a ka kolobetšwa. Dithuto tša dikolobetšo di emišitšwe.

d. Dipoloko di swanetše gore go be le palo ye nnyane ya batho gomme e be ba leloko fela.

e. Ditirelo tša Sontaga sa Makala di se kopanelwe gomme di swarwe ka diphuthegong fela. Gomme go se sepelwe ka makala mebileng.

f. Ka Labone la Taelano , go se hlapišwe maoto, gomme le gopotšwa gore selalelo se ka tsela ye tee fela.

g. Tirelo ya Labohlano le Molemo e swarwe lebakeng la go lekana iri, ge go kgonagala ka lebaka la palo ya batho le ka boeletša tirelo yeo

h. Tirelo ya Mokibelo wo Mokgethwa, re le eletša gore le fokotše nako ya tirelo ye. Re ganana le meletelo.

i. Tirelo ya Paseka : Re ganana le go kopanelwa mo tirelong ye. Diphuthego diwanetše gore di sware ditirelo tša tšona ebile e be tše dikopana. Le ka boeletša ge go kgonagala.

j. Chapter e boledišane ka kgonego ya go ka phumola ditirelo ka moka, fela gwa kwanwa gore e se boledišwe lebakeng la bjale.

k. Sunday School: Chapter e kwane gore batswadi ba bana e be bona ba tšeago sephetho gore bana ba tle, fela re le eletša gore Sunday School e emišwe. Fela, ge Sunday School e swarwa ka mokgwa woo o amogelegago, kereke e ka oketša mekgwa ya go ka hlwekiša le go fokotša kgonego ya gore bana ba ka kgomana.

## **3. Re tla ruta le go swara bašomi ba rena ka tsela yeo e latelago :**

a. Re le eletša ka bogale gore dikereke di dumele go patela bašomi ka botlalo ge ba ile matšatšing a boikhutšo ka lebaka la bolwetši. Fela, seo se ka dumelwa ge go tlile lengwalo la ngaka. Nako yeo e se fokotšwe godimo ga matšatši a mehleng a bolwetši goba a mehleng a maikhutšo.

b. Re eletša gore bašomi ba hwetše Flu Injection le gona ntle le tefo, go lefe kereke.

c. Re eletša gore bašomi ba nwe dimultivitamins go tiiša mašole a mmele.

d. Chapter e boledišane ka mokgwa wa dinamelwa tšeo di šomišwago ke bašomi ba rena go tla mošomong. Re eletša bašomi gore ba apare shawl (tukwane go thiba sefahlogo) goba mask ge ba e tla mošomong. Gape ba hlape diatla le sefahlogo ge ba le mošomong, le ge ba fihla gae.

e. Re kwane ka kgonego ya go ka fokotša nako ya bona mošomong, fela e se go megolo ya bona.

#### **4. Motheo wa Sedumedi wa gore re tšee diphetho tše ke woo o latelago:**

Ye ga se nako ya go ka akanya gore se ke kotlo go tšwa go Modimo go batho mo lefaseng goba ke mehleng ya bofelo. Se se šupa fela go tšwela pele ga lefase mababi le go tlang ga Kriste. Sebe se šetše se le gona lefaseng. Gobane moputso wa sebe ke lehu, eupša mpho ya kgaugelo ya Modimo yona ke go phelela ruri ka Kriste Jesu, Morena wa rena. (Baroma 6: 23). Re ka phelela ruri bjang? Ka tumelo go Kriste (Johane 3: 16 le Baroma 10:9). COVID-19 e re fa tšhono ya go hlahla batho gore ba be le kamano yeo e tebilego le Jesu Kriste.

#### **5. Re dumela gore thapelo e bohlokwa ebile re le eletša gore:**

Diperiši di šomiše LaMorena le lengwe le le lengwe go rapelela polokego le go fedišwa ga COVID-19.

Go ka se be le Diocesan Prayer Day go fihlela re tla go kgona go ka kopana bjalo ka seboka gape.

#### **6. Re a dumela gore twatši ye ya e tla tliša kgatelelo go ekonomi gomme seo se tla kwa kudu ke ba go itopela tša fase le gona go iša mengwageng yeo e tlogo.**

Chapter e eletša gore re leke go ka thuša batšofadi le bagolofadi ka go ba rekela tšeo ba di hlokago, go ba kgela meetse, go ba iša ngakeng bj.bj

Re hlotleletša batho gore ba leke go ka kgokagana le batšofadi le bagolofadi, gomme le šomiše megala goba dillathekeng ge e ba ba tla be ba babja. Gape le ba hlotleletše mo dipolelong tša lena le bona le dithapelong.

#### **Bofelo**

Bjale ka chapter, re tšere maikarabelo a go le abela tshedimošo ye e bohlokwa gotee le dikeletso tša go tšwa go moArchbishop gotee le baruti le baetapele bao ba hlophegago.

Chapter e tla kopana gape, go šomišwa mokgwa thekenolotši go ka hlokomešiša le go lekodišiša diphetolo tša rena ge go hlokagala.

#### **E saenetšwe: ka letšatši mokete wa Patrick, moBishop le Moruti wa Ireland ka ngwaga wa 461, 2020**

**Diocesan Office, Polokwane**

*Bishop Luke*

*Archdeacons Gail Blunden, Malin Mokou, Raphahle Malesela, Olive Senyatsi, Robbie Novella*

*Canon Shearsby Mupfudzapake*